

33655



(Ex*VII* 4/105)

# CORONA LIBERTATIS

Paterno Capiti  
Filius Sapiens  
Vates OPPIANUS,

olim

A Patria Libertate jussu Severi Cæsar is exul,  
Demum

Se & Patrem eruditio Poëtico codice in libertatem

## VENDICANS.

Nunc vero

In libero Scientiarum Imperio,  
Academica nimirum Universitate,

In Metam

Liberis Ingeniis  
Actu Metagymnaстico

## PROPOSITA

Ab Illustrissima, Perillustri, ac Magnifica Iuventute Aca-  
demie Vilenensis Societatis JESU.

Anno SAPIENTIÆ ÆVITERNÆ, LIBERTATE DONANTIS,  
EXALTANTIS, ATQVE CORONANTIS ORBEM.

## ARGUMENTUM.

Dicimus exemplo eruditio Orbis, viris fortibus, sed magis eruditis, ubiq; libertatis Patriæ esse, dum etiam inter angustias exilii, libera Vatum non coarctari ingenia probavit Agesilaus Vir primæ Cæsar-Augustanæ Nobilitatis, in suo Filio Oppiano Vate, cum quo dum se literis impedit, accidit; ut Severus Imperator Cæsar-Augustam diverteret: cui cum omnes Urbis Primores obviam salutatum irent, solus Agesilaus cum suo Vate literis intentus, id officiū neglexit: quare iratus Cæsar Filium cum Patre in exilium relegat. Mortuo interea Severo, Oppianus carmen suum ejus Filio Antonino dedicavit, à quo ob carminis elegantiam ab exilio servitute in libertatem Patriæ revocatur. Greg: Gyraldus de historia Poëtarum pag: 250.

PROLO-

BIBLIOTHECA  
VNIV. IACELL  
CRACOVIENSIS

BIBLIOTHECA  
VNIV. IACELL  
CRACOVIENSIS

33.655.3.3.

# PROLOGUS.

Mars Imperii Romani Fortunâ & Invidiâ Comite, inter trophæa belli victoriis tumens, suos Heroas deprædicat. Pallas verò majorem Scientiarum esse gloriam in laureatis Vatum Capitibus demonstrat. Hinc Mars postponi se putans, arma vibrat in Caput Palladis, Pallade se clypeo libri schemate notato muniente.

## INTERLUDIUM. ACTVS: imus.

*Scena 1ma.* Consilia belli agitantibus Proceribus, turbatâ Republica per seditiones tumultus Albini, venit Nuntius Cæsaris Severi victoram de Albino (a) & ipsius Severi adventum prænuntians; ac in vim favoris, quo ferebatur erga eruditos, desert Agesilao Viro annis & eruditione gravi libellum aureum cum depicta in eo Corona, & inscript: *In libro: Donabit Patria te libertate Corona.* Oppiano verò Vati literas Credentiales ad Consulatum primum, in quarum contextu legit: *Fias de Rhetore Consul.* (b) eidemq; Nobilem Juventutem arte Poética instruendam committit, reponente Oppiano: *sI fortV na VoLet VIVaM De rhetore ConsVL.* (c) Agesilao insuper addente: *sI VoLet ast eaDeM, fles eX ConsV Le Va-tes,* quo Filium animat, ut etiam in Consulatu, Poëtico operi ad Gloriam Cæsaris sese impedit. Ad hæc Mortifilo uno Procerum tacitè frendente, ob postpositum se Oppiano in Consulatu.

*Scena 2da.* Nuntio Cæsaris etiam Procerum fidelitatem erga Thronum præmiante, obligit Mortifilo gladius, cum Epigraphe: *In gladio fata transibis.* Agesilaus Verò datum libellum versans advertit inaratum illud: *Cedamus Patriâ.* (d) quod Oppianus explicat, sedendum esse à curis Patriæ, ut commodè studiis dent operam. Hinc transit cum Patre ad privatum Conclave, ubi dum revolvunt libros, incidit Agesilaus in illud metrum: *Mors fa-ciet certè, ne sim, cùm venerit, exul.* (e) Turbatur hoc fatidico oraculo Agesilaus, quod ingeniōsè explicat Oppianus, vitam hanc exilium esse; cui nonnisi communis meta mors imponet terminum.

*Scena 3ta.* Ingreditur aulam cum triumpho Cæsar devicto Albino, salutatur à Primo-ribus absente Oppiano, & Agesilao, cujus ob ægrâ in senio valetudinē excusatur absentia à Facundo. Proinde Cæsar delegat Mortifilum, ut Oppianum sibi dilectum Vatem ad Aulam revocet.

*Scena 4ta.* Captatâ inde occasione implicandi dolis Oppiani Mortifilus, Vatiniano accensus odio, ob sui pro priori postpositionem, vocato in Sœcum fraudis Doliango, cuius fidem gladio à Cæsare missâ obstringens dolis agendum destinat. Interim dolosæ successum Fortunæ probatus, adit celebrem Chiromantam Sempronium (de quo Dion Niceus in Vit: Severi) à quo ex libro Necromantico hoc Mortifilo panditur ænigma: *Tu Filius mortis ca-put gladio fæs;* quo implicatus Mortifilus contemptu Chiromantâ abit, inobedientiæ, & læsa Majestatis reum Oppianum insimulaturus.

*Scena 5ta.* Adit Cæsarem Mortifilus, crimen inobedientiæ affigit Oppiano; unde indignatus facilè credulus Cæsar Oppianum cum Patre in exilium demandat, Decretumq; ad Sonnum Tubæ promulgari jubet. Audito tristi Nuntio Oppianus; adest in publicum, Decretū auditurus; ac, ne in conspectum Cæsaris admisissus exnunc cedere jubetur.

*Scena 6ta.* Cedenti in exilium; revocato illo fatidico effato: *Cedamus Patriâ:* obviat Facundus Sangvine junctus, cui infelicem sortem, & omnia de suo exilio fatidica aperit oracula; dolens nil sibi, & Patri profuisse honores Patriæ: *sI patrIæ fIneIs, & DVLCIA LIinqVIMV sarVa* (f) Exulis itaq; à Patria Oppiani, Discipuli deplorantes sortem, & lachrymis eum prosequentes inter tristes nânias separantur.

*Scena 7ma.* Reduci ad aulam Facundo obviat Faustinus, & Liberinus infortunio Oppiani indolentes, quibus vocatis in testem innocentia Oppiani, adit Thronum, Severum informatus de dolis Mortifili, quos jure jurata fide semotis arbitris Cæsari exponit Facundus. Unde mandati sui præcipitanter lati pœnitens Cæsar fraudes Mortifili annotat privato li-bello, iisdem fraudibus usurus in pœnam Authoris.

(a) Dion Nic: in Vit Severi  
(b) Luven: Satyr: l. 3.  
(c) Idem.

(d) Luven: Satyr: l. 1.  
(e) Ovid: de Ponto l. 1. Eleg: 1.  
(f) Virgil: l. 1. Bucol.

CHO-

## CHORUS I.

**G**Enius exulis Oppiani inter sylvas refugium quærens, fatigatus, sub arbore super librum reclinat Caput, appensâ è ramo cytharâ, olim sibi ad cantus Pôeticos alludente. Cui sopito svaviorem conciliantibus soporem Nymphis cantu, supervenit Pallas, & quiescentis in Umbra Vatis Caput laureâ coronans, Genio Vatis eadem alludit cytharâ, innuens etiam in deserta Arabia Sapientum Patriam esse.

## INTERLUDIUM.

### ACTVS 2dus.

*Scena 1ma.* Fessus laboribus, & senio Severus, instantे sibi vitæ termino, successore Imperij declarato Antonino Filio, moritur. Hinc totâ lachrymis defuncto Cæsari parentante Aulâ, post tristes nânias, cum tubarum clangoribus more Romano defertur cadaver ad privatum conclave. Quo asservato revocati ad Aulam Proceres, solo absente Mortifilo, novo Imperij Capiti inter vota, spôndent fidelitatem; supplicantq; pro libertate exulis Oppiani.

*Scena 2da.* Antoninus informatus plenè occulte de dolis Mortifili, memor sibi Charissimi Vatis, simulat negotiorum expediendi Legati in Siciliam (à qua non procul erat exul Vates) in causa confirmandæ pacis, expedit literas inscriptas ad Regem Siciliæ, (reverâ autem in contextu consolatorias Oppiani cum spe libertatis) quod munus supervenientis Mortifili activitati, quasi ex speciali favore committit, ad quod se libens offert Mortifilus ignarus occulti astus.

*Scena 3ta.* Itaq; accingenti se in viam assignatur pro Secretario factæ legationis Faustinus, privatim instructus, has literas non Regi Siciliæ, sed Oppiano reddendas esse, cui omnes literæ cistulæ in formam libri factæ inclusæ traduntur cum inscriptione: *Libertas in Libro*. Mortifilo verò datur libellus ille (g) celebris Caligulæ dictus: *gladius è veteri Cæsarum Bibliotheca depromptus*, pro securitate viæ hac notatus epigraphe: *Mors in gladio*.

*Scena 4ta.* Confert se in viam Mortifilus arcum illud revolvens: *Mors in gladio*, quod à Faustino ambiguè solvit: quod ei mors in gladio foret, qui iter præpediret. Mortifilo verò & sibi libertas, hoc est liber passus viæ in libro. Unde taliter soluto ænigmata latior Mortifilus revocat illud Necromantæ: *Tu filius Mortis Eccl. dum caput in gladio, id est primus in honore legationis est factus, cuius tessera est liber dictus gladius, viamq; contineat*.

*Scena 5ta.* Viæ incommodis fatigatus media in sylva quiescit Mortifilus, sopitus verò videt umbram Albini gladio sibi minantem, quâ visione territus evigilat, Faustino excitato viam accelerans incidit in Latrones, quos strictis gladijs cum Faustino, trucidat revocans illud: *In gladio fata transibis*.

*Scena 6ta.* Digressio Mortifilo Faustinus cum Liberino, conscient arcuæ legationis gaudet amico suo Oppiano missam spem Libertatis, ac effata illa sibi nota explicat: *Mors faciet certè Eccl. id est, Mortifilus cum venerit in spe libertatis data non erit exul Oppianus; & illud: In libro: donabit Patria te libertate Corona; putans de Corona Imperij, Cæsare scilicet, à quo in libro promissa Vati libertas. Redeuntibus verò ad Aulam occurrit Fidelius Ephebus missus ab Oppiano (delatâ jam ad eum famâ Cæsarei Fati) cum libro carmine in Laudes Antonini conscripto, quo Cæsari præsentato delectatus summè elegantiâ carminis Antoninus; quantocyūs jubet revocari Oppianum cum Patre ab exilio.*

## CHORUS II.

**S**Trenuo Scientiarum Athletæ Genio Oppiani erudito inter libros labori intento, Minerva porrigit librum ad evitandas in eo doli insidias, hac libro adscripta epigraphe: *Si intraverit Sapientia Cor tuum, custodiet te, ut eruaris à via mala. Prov: 2do Cap. quâ disparente irruit in tenerum Vatem Livor, dolosus eum implicat funiculis, Consularem trabeam detrahit. Sed inclamante auxilium Genio Vatis, accurrit coronatus Genius Antonini, qui gladio dolosum solvit nodum, Livoreq; trucidato, Genio Oppiani purpuram restituit, accinctibus Musis, quod, dignum laude virum, musa vetat mori. Horatius.*

(g) Xifil: in Caligula.

# INTERLUIDIUM.

## ACTVS 3tius.

*Scena 1ma.* Fictâ legatione per priùs revoluta per Faustinum apud Oppianum, illusus Mortifilus, impatiens moræ reddit citato passu relicto in via Faustino, ac præ furore amenti similis, librum pro securitate viæ datum à Cæsare, in ejus contemptum, in latebras, adscriptis notis: *pereat liber Ditis;* abicit, ac abit in sua. Faustinus verò Comitem suum insequens eadem viâ, abjectum librum invenit, desert Cæsari, hinc agnità ex charactere manu Mortifili Cæsar, nomen ejus, more Caligulæ eidem libro dicto *gladius*, annotat ad necem.

*Scena 2da.* Morâ factâ sistitur aulâ Mortifilus, excusat suam tarditatem ob latronum in viis insidias, inquiritur ab eo liber, quo se spoliatum à latronibus affirmans jurare super hoc jubetur: jurat falsò per nomen Cæsaris (h) cui ad speciem credere se simulat Cæsar, interim involutum privatim atro holoserico (i) librum illum: *gladius*, in quo ad necem nomē Mortifili notatum fuit, eidem deferendum tradit ad Urbinum Militiæ Præsidem cum Mandato necis tacitè se subtrahente ab aula Doliango, doli complice.

*Scena 3tia.* Nil mali suspicatus in involucro Mortifilus desert deferenda, sibiq; morte fert in gladio. Atq; ubi revoluta mors patuit, recordatus fatidici oraculi: *Tu Filius Mortis Caput gladio feres;* item: *In gladio fata transibis;* de fatali libro dicto *gladius*, in quo Filius Mortis factus caput gladio tulit, intelligens; ab Urbino gladio perit.

*Scena 4ta.* Impleto mandato mortis in Mortifilo, in Regiam tendens Urbinus reducem ab exilio obvium habet Oppianum cum Patre, qui rerum vicissitudinem in se admirans, accepto Nuntio de fatis Mortifili, illud verificari videt: *Mors faciet certè Tc.* id est, se jam non esse exulem, cum Severo, & Mortifilo mors venerit. Tandem sistitur in conspectu Antonini, quo salutato gratias agit pro libertate sui, & Patris, quem Antoninus suffragio erudit libri liberum ab exilio declarat. Ubi Agesilaus veritatem oraculi illius: *In Libro donabit Tc.* evolutam videt in Oppiano Vate, qui, ut potè Filius Corona Patris, Patri libertatem restituit. Evoluto ratiem & illo: *Libertas in libro.*

*Scena 5ta.* Lætior Antoninus de incolumitate sui Vatis Encomiastæ, Oppianum primo Consulatu restituit, affirmans eruditis primos deberi honores, quibus stat Respublica. Hinc gratias dante aulâ Antonino pro libertate Vatis, Firming Cæsari applaudere jubet Juvenū choragio. Quo delectatus Cæsar, laudaram Juvenum indolem animat ad labores scientiarum. Impie interim commendatâ Senatui vigilantiâ circa securitatem Patriæ, ad curas Imperij se se confert.

## E P I L O G U S.

Genius Ligatæ Eloquentiæ Genio Oppiani Vatis de libris erigens colossum immortalis Gloriarum Plus ultra aureo inaratur charactere. Academicæ verò Juventutis Nomina aureo inscripta libello, pro cuiusq; gradu, in præmium Annui laboris, erudito coronat honore.

(h) *Mos iurandi Romanis per nomen Imperatoris,* Alex: ab Alex.

(i) *Turcis usitatum est literas, quibus aliquis ad necem postulatur, atro involvere holoserico.* Drexelius.

Ad

M. D. T. O. M. G. B. V. M. S. L. O. C. Honorem.



